

Inuussutissanik allagartalersuisarneq pillugu Namminersornerullutik Oqartussat nalunaarutaanni nr. 1-mi, 2. februar 1994-imeersumi § 11 imm. 2 nummer 1-p allanngorteqqullugu Naalakkersuisut peqquneqarnissaanik Inatsisartut aalajangiiffigisassaattut siunnersuut, nalunaaqutsersuisarneq aamma tuluttut pisinnaangortillugu.

Inatsisartunut ilaasortaq Steen Lyngø, Demokraatit

Akissuteqaat

(Inuussutissarsiornermut, Nukissiuuteqarnermut Iisimatusarnermullu Naalakkersuisoq)

Aappassaanneerpeqarnera

Naalakkersuisut sinnerlugit Inuussutissarsiornermut Ataatsimiititaliaq sukumiisumik isumaliutissiissuteqarneranut qutsavigaara.

Taamatuttaaq Demokraatit allannguutissatut siunnersuummik saqqummiussinerannut qutsavigaakka.

Taamaattoq Naalakkersuisut suli erseqqissassavaat, atuisartut sapigaannik akoqannginnissaannik qulakkeerinissaq kisimi allagartalersuisarnermut nalunaarummi siunertarinqanngimmat, kisiannili taamatuttaaq nalinginnaasumik atuisartunut paasissutissiinissaq siunertaammat.

Pisiniarfimmi allattorsimaffik akugitinneqarnerpaasartut nutserneqarnerannik imaqartoq, suut akorineraat, ilanngullugit nerisassat akui sapigaqalersitsisinnaasut, atuisartup taassumalu inoqutaasa angerlaatereerpassuk aamma takuneqarsinnaanissaannut qulakkeerinissamut naammassanngilaq.

Taamaattumik Naalakkersuisut Ataatsimiititaliami amerlanerussuteqartunut naapertuuttumik, Naalakkersuisut allannguutissatut siunnersuutaat akuerineqassasoq, inassutigaa.